



CLASSIS II.

DE EXTRACTIS.

EXTRACTA ALTERANTIA.

EXTRACTUM ABSINTHII.

℞. Absinthii ad umbram leniter siccati, & minute incisi — quantum placet,

Aquæ communis — quantum sufficit.

Fiat maceratio per noctem in loco calido: bulliant ad consumptionem medietatis: decoctum fortiter expressum ad justam Extracti consistentiam lento igne densetur.

Eadem ratione ex plantis succum parciorem habentibus Extracta parari poterunt: E. G.

Extractum Agrimoniae,

Extractum Centaurii minoris,

Qq

Ex-

Extractum Marrubii albi,
 Extractum Sabinæ,
 Extractum summitatum Hyperici,
 Extractum Florum Chamæmeli,
 Extractum Florum Papaveris Rhœados. &c.

SUCCUS CONCRETUS

NASTURTII AQUATICI.

℞. Succī depurati Nasturtii aquatici
 — quantum placet.

Evapora leni calore ad justam spissitudinem Extracti.

Hac methodo uti poteris ad Extracta conficienda ex herbis magis succulentis, quæ tamen sic parata Succī concreti frequentius appellantur; ut sunt E. G.

Succus concretus Beccabungæ,
 Succus concretus Cochleariæ,
 Succus concretus Fumariæ,
 Succus concretus Cichorii,
 Succus concretus Urticæ,
 Succus concretus Rosarum. &c.

Extracta a Succis concretis usus non distinguit; liberum esto artifici, prout ipsi commodius videbitur, vel decoctum inspissare, vel succum expressum. Extracta utrolibet modo parata inter se prorsus conveniunt.

Ex-

Extracta & Succī concreti simplicium ex quibus eliciuntur vires retinent.

Dosis a scrupulo uno ad drachmam unam.

EXTRACTUM GENTIANÆ.

R. Radicum Gentianæ ——— quantum placet,

Aquæ communis ——— quantum sufficit.

Radices minutim incisas, ac per triduum maceratas decoque ad consumptionem medietatis: separato per inclinationem liquore, novam aquam affunde, ac iterum decoque: ita perge donec radices aquæ nihil amplius impertiant. Decocta omnia simul unita, ac filtrata ad justam Extracti consistentiam evapora.

Eadem lege ex aliis radicibus, & lignis non admodum resinosis Extracta conficies. E. G.

Extractum Radicum Osmundæ,

Extractum Radicum Scorzonæræ,

Extractum Radicum Tormentillæ,

Extractum Radicum Chinæ,

Extractum Sarsæ Parillæ,

Extractum Ligni Visci Quercini. &c.

EXTRACTUM LIGNI GUAJACI.

R. Ligni Guajaci minutim concisi — quantum placet,
 Vini generosi ————— quantum sufficit.

Fiat post sufficientem macerationem decoctio, si opus fuerit, pluries repetita. Decocta simul unita densentur ad justam consistentiam Extracti.

Eodem ordine procedes ad conficienda Extracta ex aliis vegetabilibus, quæ resinosis partibus abundant.

EXTRACTUM CHINÆ-CHINÆ.

R. Chinæ-Chinæ minute contritæ quantum placet,
 Vini generosi ————— quantum sufficit.

Fiat post convenientem macerationem decoctio, ex decoctione Extractum.

Valet ad febres intermittentes; non vero tantum viribus præstat, quantum ipse Cortex in substantia.

Dosis a drachma semis ad drachmam unam.

EXTRACTUM BACCARUM JUNIPERI.

R. Baccarum Juniperi maturarum — libras duas.

Contusis in mortario marmoreo affunde

Aquæ communis ————— libras duodecim.
 Dige-

Digere per triduum in loco calido: cola & fortiter exprime: expressum liquorem evapora ad justam Extracti consistentiam.

EXTRACTUM CROCI

QUERCETANI.

R. Croci minute incisi ——— quantum placet,

Aquæ distillatæ Limonum — quantum sufficit.

Infusione pluries repetita extrahatur secundum artem omnis tinctura: liquor depuratus inspissetur in balneo-maris ad mellis consistentiam.

Spiritus languentes excitat, hysterice affectibus succurrit.

Dosis a grano uno ad grana tria.

EXTRACTUM OPII

QUERCETANI.

R. Opii crudi ——— quantum placet.

Minute incisum, & patina exceptum expone igni lenissimo, quoad colorem amittat: pulverisato affunde

Aceti distillati ——— quantum sufficit

ad quatuor digitorum supereminentiam: digere in loco calido, & tincturam extrahe secundum artem.

Operationem toties repete, donec Acetum subrubro

bro colore non amplius tinctum appareat. Tincturas omnes simul unitas ad melleam consistentiam evapora.

Vim habet narcoticam cum Opio crudo communem.

Dosis a grano uno ad grana tria.

LAUDANUM NEPENTHES DICTUM

QUERCETANI.

℞. Extracti Opii ————— uncias duas,
Crocī ————— unciam unam.

In patina vitreata simul confusis insperge
Fragmentorum Hyacinthi supra por-
phyritem lævigatorem,
Margaritarum similiter preparatarum,
Magisterii Coralliorum,
— ana drachmam unam & semis,

Terræ Sigillatæ ————— drachmam unam

Lapidis Bezoar subtiliter pulverisati,
Rasuræ Unicornu, ————— ana scrupulos duos.

Misce ad ignem lentum, donec massa Extracti solidiusculi consistentiam acquirat.

Ad somnum conciliandum, dolores leniendos, sanguinis eruptiones, ac ventris fluores cohibendos.

Dosis a grano uno ad grana tria.

LAU-

LAUDANUM CYDONIATUM.

R̄. Opii crudi ————— quantum placet.

Dissolve in

Succi Cydoniorum ————— sufficienti quantitate.

Digere ad Solem per dies quindecim; filtratam
tincturam ad justam Extracti consistentiam evapora.

*Singulariter commendatur ad diarrhoeam ac dysenteriam
sistendam.*

Dosis a grano uno ad grana tria.

ELIXIR UTERINUM

CROLLII.

R̄. Castorei ————— uncias tres,

Croci Orientalis ————— unciam unam

Extrahe tincturam utriusque seorsim ex lege ar-
tis cum Spiritu vini: abstrahere Spiritum ope distil-
lationis ad remanentiam Extractorum, & adde

Extracti Artemisiæ ————— uncias duas,

Salis Matris Perlarum ————— unciam semis,

Olei distillati Anisorum,

Angelicæ,

Succini, — ana drachmam unam.


Mixta omnia digere per dies octo leni calore, &
sic paratum Elixir usui serva.

Ad

Ad menses provocandos, & suffocationes Uteri reprimendas.

Dosis a scrupulo uno ad scrupulos duos.

Contra mentem Auctoris faciunt, qui hoc Elixir prorsus liquidum parant.



EXTRACTA PURGANTIA.

EXTRACTUM RHABARBARI.

R. Rhabarbari ————— quantum placet,
Aquæ Cichorii ————— quantum sufficit.

Fiat infusio Rhabarbari modice contriti cum levi ebullitione, eademque repetatur pluries, donec omnis tinctura extracta fuerit: infusa omnia simul unita, ac filtrata blando igne evaporentur ad justam Extracti consistentiam.

Purgat simul ac roborat, viscerumque obstructionibus medetur.

Dosis a scrupulo semis ad scrupulos duos.

EXTRACTUM POLYPODII.

R. Radicum Polypodii minutim incisarum
— quantum placet,
Hydromelitis vinosi ————— quantum sufficit.
Fiat

Fiat infusio multiplex, & evaporatio omnium infusionum ad justam consistentiam, ut in Extracto Rhabarbari.

Melancholicos humores blande per alvum educit.

Dosis a drachma una ad drachmam unam & semis.

EXTRACTUM HELLEBORI.

R. Fibrarum Hellebori nigri — quantum placet,

Vini generosi ————— quantum sufficit.

Infusione pluries repetita, ac subsequenti evaporatione fiat Extractum.

Atram bilem educit, & adversus melancholicos affectus præscribitur.

Dosis a scrupulo semis ad scrupulum unum.

EXTRACTUM COLOCYNTHIDOS.

R. Pulpæ Colocynthidos ————— quantum placet,

Vini dulcis ————— quantum sufficit.

Colocynthidem Aceto modice irroratam macera in Vino per dies octo: cola cum forti expressione, & expressum liquorem ad justam Extracti consistentiam inspissa.

In morbis contumacioribus ad humores eradicatu diffi- ciles purgandos.

Dosis a scrupulo semis ad grana viginti.

Rr

EX-

EXTRACTUM CUCUMERIS SILVESTRIS

SIVE

ELATERIUM.

℞. Fructuum maturorum Cucumeris silvestris
— quantum placet.

Tunde in mortario marmoreo, & affunde
Aquæ ferventis — quantitatem sufficientem.

Macera per triduum, coque, & exprime: filtratum
liquorem ad Extracti consistentiam evapora.

Purgat vebementer, & aquas hydropicorum educit.

Dosis a granis sex ad grana duodecim.

SUCCUS CONCRETUS

GRANORUM SAMBUCI.

℞. Succī depurati Granorum Sambuci
— quantum placet.

Densetur lento igne ad justam Extracti consi-
stentiam.

Hydropicis & hysteriis confert.

Dosis a scrupulo uno ad drachmam unam.

EX-

EXTRACTUM ALOES

QUERCETANI.

℞. Aloes Soccotrinæ ——— quantum placet.

Pulverisatam immitte in cucurbitam vitream, & affunde

Aquæ Endiviæ ——— quantum satis

ad quatuor digitorum supereminentiam. Digere per triduum in balneo-maris, cucurbita rite obturata. Solvetur Aloe, & liquor rubicundo colore tingetur; quo decantato novam aquam, sed minori quantitate affunde: digere ut prius, idque toties repete quoad non amplius aqua tingatur. Tincturas omnes simul confusas ad melleam consistentiam leni igne evapora.

Viscera detergit, ac stomachum roborat.

Dosis a scrupulo uno ad scrupulos duos.

EXTRACTUM CATHOLICUM

DISPENSATORII VIENNENSIS.

℞. Pulpæ Colocyntidos ——— uncias tres,

Fibrarum Hellebori nigri,

Agarici,

Scammonii, ——— ana uncias duas,

Aloes Soccotrinæ ——— uncias quatuor.

Rr 2

Con-

Concisis & contusis affunde

Spiritus Vini ——— quantum sufficit

ad supereminentiam quatuor digitorum: digere per dies aliquot in loco calido: tincturam per inclinationem effunde, ac residuum fortiter exprime. A liquore filtrato Spiritum abstrahere per distillationem, & quod remanet inspissa ad justam Extracti consistentiam.

Ad humores omnis generis in corpore peccantes expellendos.

Dosis a scrupulo uno ad scrupulos duos.

EXTRACTUM PANCHYMAGOGUM.

℞. Rhabarbari,

Sennæ Orientalis, ——— ana unciam unam,

Pulpæ Colocynthidos,

Fibrarum Hellebori nigri,

Turpethi,

Scammonii, ——— ana drachmas quinque,

Hermodytylorum,

Agarici,

Aloes Soccotrinæ,

Specierum Diarrhodon, — ana drachmas duas.

Mediocriter contusis contundendis, affunde

Aquæ Cinnamomi cum vino paratæ

— quantum sufficit


ad supereminentiam quatuor digitorum: digere per

per triduum in arena: tincturam cola & fortiter
exprime: residuo novam aquam affunde, & rursus
tincturam extrahe; quæ cum priori commixta, &
per subsidentiam depurata evaporetur ad Extracti
densioris, vel Massæ Pilularis consistentiam.

Humores diversi generis sine molestia purgat.

Dosis a scrupulo uno ad drachmam semis.

Aqua Florum Chamæmeli, &c.



*Extracta Martialia inter ceteras præparationes Metallorum
commodius recensentur.*



CLAS-